



[www.BibleForChildren.org](http://www.BibleForChildren.org)




# Yohaana 14



Yeesu gi ilakoomi gimba tuba, “Hhanti bahhangaru-usidayi muunaĩ kokunay. Unkuray/imba Iiitleemu, slime hani/imbidee ana. Ana hati waauda, sangu ilakhuukhu'usakaw daqa sa unkuray. Mara gu Taataa gooi ibinaa ti wa/a.”



“Bere ibinatee yaa aloo hhaka, sangwaa kaawa. Ana goo ilii waauude haa sangugi ilakhuukhu'usa daqa, hamaa ki/a kara manguri waaudi unkuray, daqa goó ilii ibiide ana, unkuray see ibitay.”




Hhiee koi, ana ti Yohaana hhia googuna haa  
dana'a googuna gungaa ilagaasu sliimaa  
ha unkuray hiikaasage laba'asu,

sa Yeesu Kristu haa sa  
Tawaaloo da Iiitleemu.




Ana dinaati khiidimi jeerage hhapee da  
Paatimoge daa niiniŋdi ha tlawa da didiri,  
sa kakaaru gimba gu Iiitleemu


haa gimba gu hhou daa  
yondiidi ha Yeesu Kristu.




Cirakiray dinaagi ilii khay ha Muuna gu Iiitleemu.  
Yu'udiyaa hagi arimi kitii gu tawaaloo yade rawaa gu  
rawge. Rawaa gu kitikeesii yaa wana leẽ gwaa ibiidu.



Da hhe'esi, hagi akhasi afafu gu idadu goõ gu slafee rawaa gu rawge, khoodooge, khonsleebaage, tlawoo gu denige haa idadu goõ gu wa'ay koinay waaree, kakaanay tuba, “Daareesa, muree, wanqamee haa/uuru, ti kosi ina guũ ibiidu kitĩ gu tawaalooge haa/ambeenimoo, koraraa haa koraraa goóba hiifaakoo!”




Hagi arimi yaamu daa tlinti'isi, Yerusaleemu da/abi, yaa  
hij/ee tiyay hhapeege rawaa gu rawgo daqa Iiitleemugo.  
Yaamu hhakee digaani/aliidi, khabiiso'oo goóay idoo  
dagoó ilii/aliidiye sa hhawata gosi.






Ana hagi akhasi afoo da didiri yadaa kitii gu tawaaloogo kakanta tuba, “Yu'udiyaa! Inkoo Iiitleemu ibiidi sliimaa haa hida. Ina Iiitleemu gooina tleehhidi, inay hida kosi tleehhidiyay. Kara, ina Iiitleemu loi maa sliimaa wana haa inay haa gi Iiitleemu gooina tleehhidi.”



Da hhe'esi, malayikakira sinigi laqami duudu  
gu ma'ay guroó khawee slafimaa. Ma'ay hhakee hiti  
wanqawanqiyay kiyoo pahha, yaagi gunay yadaa kitĩ  
gu tawaaloogo gu Iiitleemu haa/ambeenimoo.



Yaamu hhakee yoó slaiyaaiiba cencee da letu gimati da slehheẽ see, sa gimba wanqamee da Iiitleemu nigoó hiicencuudisi, kara/ambeenimoo na taa dosi.




Etaa, wantaaba idoo lensee da slasla/ima, damaay dawa yaamu hhakeesii, gimati heedi lensee goó yondiida gimba gu ilamuree baku gu afa'afuumaa. Hida gumaa hiiguumee yaamu hhakeesii, ti hhaka'a kilesi umañ koina daa handikimi kitaabuka'ay gu slafimaage gu/ambeenimoo.




“Ina maa buusli hherehheraa  
koina goõ. Qatlaykee hida maa  
kaka/yaaiiba kara, gimati  
li/eemoo see maa wantaaba.  
Damaa wanaaba/aa/ímu, /aa/íya  
gimati slahhaa'amee see, sa  
gimba, gimba goõ gu pandaa hii  
hhe'esi hingii hhancooi.”




Yaamu hhakeesii damaa wanaaba idoo lensee daa ilawaasi. Kitii gu tawaaloo gu Iiitleemu haa gu/ambeenimoo maa wanay yaamu hhakeesii, inay tongee dosi gumaa hha'aleesiyay ina. Inay maa arinayi pandaa dosi, kara uma gosi dugumaa handikina pandaca/ay gu pandadu koinayge.



Kara, hagi arimi tuueenaa gu hida gu deni haa gu digidakwi hĩ qadimidiri pandaa da kitĩ gu tawaalooge. Te'esii kitaababaa dagagii tlaa'asi daa ilii handikimi yondu gu hida goõ. Da hhe'esi, kitaabuu waku dugugii tlaa'asi, hikee ti kitaabuu gu slafimaa. Tuueenaa hhakee digigi hukumi, hari yondu gooina daa handikimi kitaababateesii, idoo giyaa ilii yondiidiri gooay. Bere heedi uma gosi dugwaa handikimiiba kitaabuu gu slafimaage, ina dugwaatii slakhi wa'ay gu tlawateesii da aslaage.



Muuna gu Iiitleemu haa khabiiso'oo da/ambeenimoo eteediidinay tuba, “Khoca! Heedi gu akhasa gimbaki kaayiye tuba, ‘Khoca!’ Heedi gu kooma wakhaa, gu sla'a ma'ay, yaa khaye ma kitahhi ma'ay gu slafimaa hari ihii'i.”





Iliitleemu yaa slai hida gu khoodoo, ina  
yaati amoolaa hadisi Nankosi gu leẽ,  
kila heedi goó/imba ina, ma may  
hhama, ina hiti slaye slafimaa  
gu koraraa haa koraraa  
goóba hiifaakoo.



Waruumi 3:23 Hida goõ hiĩ yondiidiri tlakwaroo haa yoó afariibukudiyayi wanqamee da Iliitleemu.

Waruumi 6:23 Gu lou, bueemaa gu tlakwaroo ti gwaa ' araa. Sawaadii doó hadisiye ha Iliitleemu ti ibinaa da koraraa gooba hiifaakoo hari amoo da ilagaasaraa haa Kristu Yeesu, Looimoo goori.

Waeburaaniyaa 9:27 Iliitleemu gooay, idoo giyaa ilii ilakhuukhu ' usi, hida sliimaa ti kakaŕiyay waa leẽ kilesi, da hhe ' esi ina gigi hukuna inay.

Waefeeso 2:8,9 Unkuray dangwaati ilabu ' umi ha Iliitleemu hari hhoínay gosi gu didiru, hari amoo da /mbaraa dooguna Yeesu Kristu. Gimbaki yaatii caŕ hari amoo da maguuma doogunaaba, haã ti idoo sangoó qaye ha Iliitleemu hari ihĩ ' i. Kara, hari amoo da yondu googunaaba guhhou, heedi lensee hingimaa baatii giiduubi.



Waruumi 10:9,10 Sa gimba, bere kaada hari afa googu loi tuba, “Yeesu ti Looimoo gu Goõ,” haa gi iliipa ' anta muuna googuu tuba, Iiitleemu gwaa slafisi ina ayisago, dugu ilabu ' una. Heedi yoóti/mbi Yeesu hari muuna gosi, sa gimbakee Iiitleemu gu tosaa faadi kona ibinaa daa tafa ' adi pandaa dosii. Kara, yoóti kaay hari afa gosi, dugu tosaa ilabu ' una.

Yohaana 3:16,17 Iiitleemu yaa slai hida gu khoodoo, ina yaati amoolaa hadisi Nankosi gu leẽ, kila heedi goó/mba ina, ma may hhama, ina hiti slaye slafimaa gu koraraa haa koraraa goóba hiifaakoo. Iiitleemu yaati ya/abiiba Nankosi khoodoo, ma hukumi khoodoo. Ina gwaati ya/abi, hari amoo dosi khoodoo dagama ilabu ' umi.



1 Yohaana 5:11-13 Ilatlawatee na nahaã tuba, Iiitleemu sindii hadisi slafimaa gu koraraa haa koraraa goóba hiifaakoo, kara, slafimaa hhakee wanay daqa Nankosii. Kila heedi gu kooma Nanku Iiitleemu, hikee kona slafimaa hhanki gu koraraa haa koraraa goóba hiifaakoo. Ina guba Nanku Iiitleemu, hikee konaaba slafimaa hhanki gu koraraa haa koraraa goóba hiifaakoo.

Ana sangu handikiikima gimbaki sa unkuray, goó/mbanee uma gu Nanku Iiitleemu, ma caahhadiri tuba, unkuray kontay slafimaa gu koraraa haa koraraa goóba hiifaakoo.



Yohaana 14; 2 Wakorinto; Hiitlaa 'asa 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Burunge Bible (bds) © (Active), Wycliffe Bible Translators,  
Inc. All rights reserved.

<https://www.bible.com/en-GB/bible/2304/MAT.1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

